

Na osnovu člana 70. Zakona o javnim nabavkama BiH (Sl.glasnik BiH broj 39/14), direktor Javnog preduzeća "RAD" d.d. Tešanj, dana 30.04.2021. godine, d o n o s i

O D L U K U

Ovom Odlukom stavlja se van snage Odluka o izboru najpovoljnijeg ponuđača br: 2595/21 od 01.04.2021.godine kojom je u postupku Konkurentskog zahtjeva za dostavljanje ponuda za nabavku rada radnih mašina, objavljenom na Portalu javnih nabavki broj 807-7-3-16/21 od 02.03.2021. godine, ponuđač „KM GRADNJA” d.o.o. Tešanj, Ljetinić br. 2, Tešanj nakon provedene E-aukcije izabran kao najpovoljniji ponuđač.

Odluka o izboru najpovoljnijeg ponuđača br: 2595/21 od 01.04.2021.godine se stavlja van snage iz razloga što ponuđač „KM GRADNJA” d.o.o. Tešanj dana 19.04.2021 godine dostavio obavijest JP „RAD” d.d. Tešanj, protokolisanu pod brojem 3173/21 kojom odustaje od potpisivanja okvirnog sporazuma.

Najpovoljniji ponuđač nakon ponuđača „KM GRADNJA” d.o.o. Tešanj je „INTER” d.o.o. Tešanj, Ljetinić br. 42.

Ugovorni organ će u skladu sa članom 72. st. 3. Zakona o javnim nabavkama dostaviti ugovor/okvirni sporazum ponuđaču „INTER” d.o.o. jer je ponuda navedenog ponuđača po rang listi odmah nakon ponude ponuđača „KM GRADNJA” d.o.o. Tešanj.

Vrijednost okvirnog sporazuma koji će se zaključiti na period od 2 (dvije) godine sa najpovoljnijim ponuđačem iznosi 81.900,00 KM sa uračunatim PDV-om.

Ponuđač „INTER” d.o.o je obavezan u roku od 5 dana od dana prijema ove Odluke dostaviti Ugovornom organu dokumentaciju iz člana 45. Zakona o javnim nabavkama, kako je to i određeno tenderskom dokumentacijom, zatim u roku od 5 (pet) dana po prijemu ove odluke, korigovanu ponudu sa cijenama u skladu sa rezultatima E-aukcije i u skladu sa Pravilnikom o uslovima i korištenju E-aukcije, na obrascima za ponudu i cijenu ponude iz tenderske dokumentacije, uvezano na način predviđen ZJN BiH i tenderskom dokumentacijom (u skladu sa navedenim Pravilnikom sve cijene po stavkama moraju biti proporcionalno umanjene u odnosu na umanjjenje ukupne cijene ponude); ovjerenu i potpisanu bjanko mjenicu i mjeničnu izjavu kao garanciju za dobro izvršenje ugovora prilikom potpisivanja Okvirnog sporazuma na iznos od 10% od njegove vrijednosti.

O b r a z l o ž e n j e

U Konkurentskom zahtjevu za dostavljanje ponuda za nabavku rada radnih mašina, objavljenom na Portalu javnih nabavki broj 807-7-3-16/21 od 02.03.2021. godine, ponude su dostavili sljedeći ponuđači:

1. **Ponuđač „KM GRADNJA” d.o.o. Tešanj, Ljetinić br. 2, Tešanj**- cijena ponude nakon provedene E-aukcije iznosi 73.710,00 KM sa uračunatim PDV-om
2. **Ponuđač „INTER” d.o.o. Tešanj, Ljetinić br. 42**- cijena ponude nakon provedene E-aukcije 81.900,00 KM sa uračunatim PDV-om
3. **Ponuđač „GEO-PUT” d.o.o. Maglaj, Poljice bb, 74250, Maglaj** - cijena ponude nakon provedene E-aukcije iznosi 84.591,00 KM sa uračunatim PDV-om
4. **Ponuđač „TRANS-KOP” d.o.o. Tešanj, Rosulje 73, Tešanj**- cijena ponude 102.702,60 KM sa PDV-om koju ponuđač nije mijenjao u toku provođenja E-aukcije.

Odlukom 2595/21 od 01.04.2021.godine odbija se ponuda ponuđača „TRANS-KOP” d.o.o. Tešanj, Rosulje 73, Tešanj, iz razloga jer ukupna cijena ponude i nakon provedene E-aukcije, bez uračunatog PDV-a prelazi dozvoljeni vrijednosni razred za dodjelu ugovora / okvirnog sporazuma u konkurentskom

zahtjevu za dostavljanje ponuda, a koji za dodjelu ugovora za nabavku radova iznosi maksimalno 80.000,00 KM bez uračunatog PDV-a (član 14, stav 1 Zakona o javnim nabavkama BiH).

Odlukom o izboru najpovoljnijeg ponuđača br: 2595/21 od 01.04.2021.godine, ponuđač "KM GRADNJA" d.o.o. Tešanj, Ljetinić br. 2, Tešanj je izabran kao najpovoljniji ponuđač.

Dana, 19.04.2021. godine najpovoljniji ponuđač "KM GRADNJA" d.o.o. Tešanj, Ljetinić br. 2, Tešanj je dostavio obavijest da odustaje od potpisivanja okvirnog sporazuma navodeći razloge.

Ugovorni organ će u skladu sa članom 72. st. 3. Zakona o javnim nabavkama dostaviti prijedlog ugovora/okvirnog sporazuma ponuđaču čija je ponuda po rang listi odmah nakon ponude najuspješnijeg ponuđača.

Pouka o pravnom lijeku:


Protiv ove Odluke može se izjaviti žalba u roku od 5 (pet) dana od dana prijema.

Žalba se izjavljuje Javnom preduzeću "RAD" d.d. Tešanj u pisanoj formi direktno, elektronskim putem ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Svim ponuđačima
- Komisija za javne nabavke
- a/a



DIREKTOR:

Lihić Adnan, dipl.ing.maš.